



VERKORTE GEKONSOLIDEERDE SEGMENTELE ONTLEDING (vervolg)

Besigheidsegmente:

Die Groep is in vier groot bedryfsafdelings georganiseer – Gesaagdehout-produkte, Laaghout, Handel en Bosbou. Die afdelings vorm die grondslag waarop die Groep sy primêre segmentinligting rapporteer. Die segment Gesaagdehout-produkte produseer en verkoop 'n wye reeksstrukturele en industriële gesaagde-hout-produkte. Die Laaghoutafdeling vervaardig en verkoop laaghoutprodukte. Die Handelsafdeling koop en verkoop houtvervante produkte op 'n groothandgrondslag. Die Bosbouafdeling besit plantasies waarop hy denne- en bloekombome verbou, wat op 'n rotasiegrondslag afgekap en verkoop word.

Geografiese segmente:

Die Groep beskou sy besigheid as 'n enkele geografiese segment.

Segmentbates en -laste:

Segmentbates sluit alle bedryfsbates wat deur 'n segment gebruik word in en bestaan hoofsaaklik uit bedryfs-kontant, ontvangbare rekeninge, voorraad en eiendom, masjinerie en toerusting, na aftrekking van kortings en voorsienings. Hoewel die meeste van dié bates direk aan individuele segmente toeskryfbaar is, word die drabedrag van sekere bates wat gesamentlik deur twee of meer segmente gebruik word op 'n redelike grondslag aan die segmente toegewys. Segmentlaste sluit alle bedryfslaste in en bestaan hoofsaaklik uit rekeninge, lone en opgelope laste. Segmentbates en -laste sluit nie uitgestelde inkomstebelasting en belasting tans betaalbaar in nie.

Tussensegmentoordragte:

Segmentinkomste, segmentonkoste en segmentresultate sluit oorplasinge tussen besigheidsegmente in. Sodanige oorplasinge word verantwoord teen mededingende markpryse wat nie-geaffilieerde kliente vir soortgelyke goedere gevra word. Dié oorplasinge word by konsolidasie uitgeskakel.

Daar was geen veranderings in die rekeningkundige beleid ten opsigte van segmente nie alhoewel twee nuwe segmente bygevoeg is.

AANTEKENINGE BY DIE VERKORTE GEKONSOLIDEERDE FINANSIËLE STATE

Die Groep is in Suid-Afrika gedomisileer. Die Groep verkorte gekonsolideerde finansiële resultate vir die 18 maande geëindig 30 Junie 2008 behels die Maatskappy en sy filiale (tesame die Groep genoem).

Die verkorte gekonsolideerde finansiële resultate is op 16 September 2008 vir uitreiking gemagtig.

(a) Opstellingsbasis

Hierdie verkorte Die York Timber Organisasie ("die groep") finansiële resultate vir die agttien maande geëindig 30 Junie 2008 behels 'n opsmomming, opgestel in ooreenstemming met Internasionale Finansiële Rapporteringstandaarde 34, van die groep se geouditeerde finansiële state. Dit is opgestel in ooreenstemming met Internasionale Finansiële Rapporteringstandaarde en die Suid Afrikaanse Maatskappywet 1973, soos gewysig.

KPMG Ing. se ongewysigde ouditeersverslag ingesluit in die jaarlikse finansiële state en op die opgesomde finansiële state vervat in hierdie verkorte verslag, is ter insae beskikbaar by die maatskappy se geregistreerde kantoor.

(b) Metingsgrondslag

Die finansiële state is op die historiesekoste-grondslag opgestel buiten vir die volgende:

- finansiële instrumente gehou vir handel en finansiële instrumente geklassifiseer as beskikbaar vir verkoop word teen billike waarde gemeet;
- afgeleide finansiële instrumente word teen billike waarde gemeet;
- beleggingseiendom word teen billike waarde gemeet; en
- biologiese bates word teen billike waarde gemeet minus beraamde verkooppuntkoste.

(c) Funksionele en aanbiedingsgeldeenhede

Die finansiële state word in rand aangebied, wat die Groep se funksionele geldeenhede is. Alle finansiële inligting wat in rand aangebied word, is tot die naaste duisend afgerond.

(d) Gebruik van ramings en oordele

Die opstelling van finansiële state ter voldoening aan IFRS vereis bestuur om oordele, ramings en aannames te maak wat die toepassing van rekeningkundige beleide en die gerapporteerde bedrae van bates, laste, inkomste en onkoste raak. Werklike resultate kan van dié ramings verskil. Dié oordele en ramings word jaarlik deur bestuur hersien. Hersienings aan rekeningkundige ramings word erken in die tydperk waarin die raming hersien word en in enige toekomstige tydperke wat geraak word. Oordele en ramings wat 'n aansienlike uitwerking op die finansiële state het, is:

- biologiese bates,
- klandisiewaarde;
- beleggingseiendom;
- handels- en ander ontvangbare rekeninge;
- voorsiening;
- metings van aandeelgebaseerde betalings;
- waardasie van finansiële instrumente; en
- gebeurlikhede.

(e) Basiese verdienste en wesensverdiene per aandeel

Basiese verdienste per aandeel word bereken deur die verdienste toeskryfbaar aan gewone aandeelhouders vir die tydperk van R538,7 miljoen (Desember 2006: R313 miljoen) te deel deur die geweeëde gemiddelde getal uitgereikte gewone aandele van 52 930 865 (Desember 2006: 11 040 597 aandele).

Wesensverdiene per aandeel word bereken deur die verdienste toeskryfbaar aan gewone aandeelhouders vir die tydperk van R539,3 miljoen (Desember 2006: R29,6 miljoen) te deel deur die geweeëde gemiddelde getal uitgereikte gewone aandele van 52 930 865 (Desember 2006: 11 040 597 aandele).

(f) Ten volle verwaterde basiese en wesensverdiene per gewone aandeel

Die berekening van ten volle verwaterde basiese verdienste per gewone aandeel word gebaseer op verdienste toeskryfbaar aan gewone aandeelhouders van R543,6 miljoen (Desember 2006: R29 miljoen) en die geweeëde gemiddelde getal ten volle verwaterde gewone aandele van 55 407 812 (Desember 2006: 11 040 597 aandele).

Die berekening van ten volle verwaterde wesensverdiene per gewone aandeel word gebaseer op wesensverdiene toeskryfbaar aan gewone aandeelhouders van R543,9 miljoen (Desember 2006: R29 miljoen) en die geweeëde gemiddelde getal ten volle verwaterde gewone aandele van 55 407 812 (Desember 2006: 11 040 597 aandele).

(g) Dividende

Voorkeurdividende ten bedrae van R4,6 miljoen (2006: R0,957 miljoen) is in die tydperk betaal. Die uitgereikte voorkeuraandele is na die keuse van die houers omskepbaar en word gevolglik as 'n las geklassifiseer in ooreenstemming met die klassifiseringsvereistes van IFRS 32. Gevolglik word die voorkeurdividende in finansierings-koste ingesluit.

(h) Netto batewaarde per aandeel

Netto batewaarde per aandeel word bereken deur die netto batewaarde soos op 30 Junie 2008 van R1,655 miljoen (Desember 2006: R103 miljoen) deur 78 370 068 gewone uitgereikte aandele aan die einde van die tydperk te deel (Desember 2006: 11 040 597 aandele).

(i) Belangrike rekeningkundige beleide

Buiten die aanname van IFRS 2: Aandeelgebaseerde Betalings en IFRS7: Finansiële Instrumente: Openbaarmaking, is die rekeningkundige beleide wat deur die Groep in hierdie verkorte gekonsolideerde finansiële resultate toegepas word dieselfde as dié wat deur die Groep in die jongste finansiële jaarstate soos op en vir die jaar geëindig 31 Desember 2006 toegepas is.

(j) Jaareindeverandering

Die Groep se jaareinde is van Desember na Junie verander om met Global Forest Products se finansiële jaareinde ooreen te stem.

BESIGHEIDSKOMBINASIE

Verkryging van Global Forest Products (GFP)

York het 100% van al die aandele in en aandeelhouerseise teen Global Forest Products (Edms) Beperk en South African Plywood (Edms) Beperk gedurende die oorsigtydperk vir 'n bedrag, insluitende verkrygingskoste, van R1 703 miljoen verkry. Die verkryging is met kontant wat uit 'n regteaanbod verkry is, skuldfasiliteite wat deur Rand Aksepbank Bpk toegestaan is en 'n verkopersteenprestasie-uitgifte aan die Independent Development Corporation (IDC) vereffen. Goedkeuring van die koop is op 12 Julie 2007 deur aandeelhouders bekragtig.

GFP is 'n geïntegreerde bosproduktemaatskappy met sy hoofkantoor in Sabie, Suid-Afrika, wat nagenoeg 87 000 ha grond, oorwiegend denneplantasies, bestuur. Die maatskappy besit en bedryf ook houtverwerkingsfasiliteite wat drie saagmeule en 'n laaghoutaanleg insluit. GFP was 'n belangrike verskaffer van soliede houtprodukte aan die Suid-Afrikaanse mark en het aktief na vyf ander lande uitgevoer. Alle grond in besit van GFP is deur die Forest Stewardship-raad gesertifiseer. Plantasies word in twee gebiede ingedeel, te wete, Platorand, wat in die gebiede Sabie, Graskop en Witrivier geleë is, en die Hoëveld. Die saagmeule is ook in dié gebiede geleë. Klandisiewaarde, wat die verskil tussen die billike waardes van netto bates gekoop en die verkrygingsprys verteenwoordig, word gesteen deur die beskikbaarheid van eie saagblokke vir die GFP- en York-meule, wat volhoubaarheid verseker. Verwys na die berekening hieronder.

Die verkreë se inkomste en wins sedert die verkrygingsdatum (13 Julie 2007) was ongeveer R1,1 miljard en R700 197 miljoen (VVRB) onderskeidelik.

R'000	Voorverkrygings-drabedrae	Billikewaarde aanpassings	Erkende waardes met verkryging
Besigheidskombinasies			
Eiendom, masjinerie en toerusting	342 963	(56 677)	286 286
Biologiese bates	1 321 968	–	1 321 968
Voorraad	106 658	–	106 658
Handels- en ander ontvangbare rekeninge	121 593	–	121 593
Kontant en kontantekwivalente	4 868	–	4 868
Lenings	(257 066)	–	(257 066)
Uitgesteldebelastinglaste	(332 226)	36 651	(295 575)
Handels- en ander betaalbare rekeninge	(155 053)	(54 653)	(209 697)
Netto identifiseerbare bates en laste	1 153 705	(74 669)	1 079 036
Klandisiewaarde met verkryging			624 613
Teenprestasie in kontant betaal, in kontant voldoen			1 703 649
Waarborgvoorsiening in kontant terugbetaal deur verkopers			(14 293)
Besigheidskombinasiekoste			32
Kontant en kontantekwivalente gekoop			(4 868)
Netto kontantuitvloei			1 684 520

Billike waardes van bates en laste

Die identifiseerbare bates, laste en voorwaardelike aanspreeklikhede van die verkreë wat op die verkrygingsdatum bestaan het, word teen billike waarde in die gekonsolideerde finansiële state erken.

Biologiese bates

- Dit is op die Standing Timber-metodologie gewaardeer deur die inligting oor voorbrandvolumes en verkoopspryse te gebruik wat vroeë in Julie 2007 beskikbaar was.

Eiendom, masjinerie en toerusting

- Grond is onafhanklik gewaardeer en die waarde het met R95,6 miljoen toegeneem
- Residensiële en kommersiële geboue is onafhanklik teen 'n verhoogde waarde van R35,1 miljoen gewaardeer
- Industriële geboue is onafhanklik teen vervangingswaarde gewaardeer, maar 'n billike waarde kon nie bepaal word nie weens die integrasie van dié besighede by die plantasiebesigheid en die gebrek aan 'n mark vir geboue in hulle ligging. Geen aanpassings is derhalwe aan draawaardes gemaak nie.
- Die billike waarde van die oorblywende masjinerie en toerusting per besigheidseenheid is toe vasgestel deur die verhaalbare bedrae van die besigheidseenhede as kontantgenererende eenhede te hersien, gebaseer op waarde-in-gebruik-berekenings. Dié berekenings wat in kontantvloeioprojektsies gebruik is, is gebaseer op 'n gedetailleerde vyfjaarvoorspelling wat gebaseer is op die huidige geïnstalleerde produksiefasiliteite en sakeomstandighede (soos in Julie 2007). Die berekenings weerspieël die vereste om die waarde van die bates oor Sabie-meule, Driekop en Laaghout tot R238,2 miljoen te verminder.

Voorraad van afgewerkte produkte

- Afgewerkte produkte is teen verkoopspryse gewaardeer minus die verkoopskoste en 'n redelike winsmarge vir die verkooppoging van die verkryger.
- Voorraad is gewaardeer teen verkoopspryse wat in Julie 2007 behaal is, minus 'n verkoopsmarge van 5% en pakhuisverspreidingskoste in die geval van die Laaghout-divisie.
- Totale waardes van alle besigheidseenheidvoorraad het 'n opwaartse waardasie van R415 000 vereis. Weens die onbelangrikheid is geen aanpassing gemaak nie.

Ontsbare bates

- Hiernet ontsbare bates is geïdentifiseer as deel van bates wat oorgeneem is nie. Klandisiewaarde van R610 miljoen is verkry, synde die verskil tussen die verkrygingskoste en die billike waardes van bates en laste.

Uitgesteldebelastingbates en -laste

- Verkreë uitgesteldebelastingbates en -laste is erken teen die waarskynlike bedrag van die belastingvoordeel-/las wat verhaalbaar/betaalbaar is, aangeslaan vanuit die oogpunt van die verkryger en die Groep in geheel.

Vrywaringe in 'n besigheidskombinasie

- Die voorwaardelike aanspreeklikhede ten opsigte van omgewingskoste is gewaardeer en daar is vir 'n bedrag van R54 miljoen voorsiening gemaak in die berekening van die besigheidskombinasie.

Aanspreeklikhede aangegaan of aangeneem

- Die koste van 'n besigheidskombinasie sluit aanspreeklikhede aangegaan of aangeneem deur die verkryger (Groep) in ruil vir beheer van GFP in. Toekomstige verliese of ander koste wat na verwagting weens die verkrygingsaangegaan sal word, soos die herstruktureringkoste van GFP, was nie deel van die besigheidskombinasie nie aangesien dit nie op die verkrygingsdatum aanspreeklikhede was nie.
- Uiteraard is geen aanpassing vir herstruktureringkoste gemaak nie.

Teenprestasie vir besigheidskombinasie

- Teenprestasie betaal deur York vir die verkryging van die besighede bestaan uit drie dele:
 - R350 miljoen – 23 333 333 gewone aandele teen R15 per aandeel uitgereik deur 'n regte-aanbod
 - R500 miljoen – 33 333 333 aandele teen R15 per aandeel uitgereik deur verkopersteenprestasie-uitgifte
 - Kontantteenprestasie van R854 miljoen

KOMMENTAAR

Die 18-maande finansiële tydperk wat van Januarie 2007 tot Junie 2008 strek, het die aanbreë van 'n nuwe erag in York se geskiedenis gekenmerk. Die Groep het die besigheid van Global Forest Products (GFP) met ingang van 1 Julie 2007 as 'n lopende onderneming verkry, wat York in 'n vertikaal geïntegreerde bosboumaatskappy omskep het, insluitend 62 000 hektaar plantasies, agt houtverwerkingsmeulens en 3 700 werknemers. Die GFP-bates is suksesvol by York geïntegreer ten spyte van 'n groot plantasiebrand op 12 Julie 2007, minder as een maand na die verkrygingsdatum. Bestuur het betekenisvolle vordering gemaak met die bereiking van die Groep se driejaarsenergieplan om bykomende marges as gevolg van die same-smelting te ontsluit. Die R1,7 miljard-verkryging van GFP is om die helfte met skuld en ekwiteit befonds. York beoog om die verkrygingskuld oor 'n agtjaar tydperk terug te betaal met kontant wat deur die Groep se bedrywighede gegeneer word.

Finansiële oorsig

- Wesensverdiene per aandeel (WVPA) het 280% gestyg tot 1 019 sent (2006: 269 sent) vergeleke met die na-samesmelting 12-maandetydperk WVPA het 150% gestyg tot 671 sent.
- Die biologiese bates word billik gewaardeer teen die netto staande waarde-metode en het sedert dit in Julie 2007 verkry is 46% in waarde toegeneem. Die toename spruit uit die styging in saagblokpryse in die Suid-Afrikaanse mark as gevolg van die tekort in grondstof. Hierdie waardetoename was ondanks die afskrywing van hout ter waarde van R87 miljoen as gevolg van die Julie 2007-brande. Die langtermynlas spruit hoofsaaklik uit verkrygingsfinansiering wat verkry is om GFP te koop. Die verkryging van R1,7 miljard is met R850 miljoen se ekwiteitsfinansiering en R850 miljoen se leningsfinansiering befonds. GFP het reeds bategebaseerde finansieringslenings van R257 miljoen gehad, wat deel was van die netto bates verkry.
- Netto batewaarde per aandeel het 125% gegroei tot 2 113 sent (2006: 941 sent) en tasbare netto bate-waarde per aandeel het 42% van 941 sent (2006) tot 1 334 sent gegroei.
- Die meeste van die inkomstegroei spruit uit verkryging met 'n mate van die groei wat as gevolg van stygings in verkoopspryse is.
- Die residensiële boumark is seisoenaal van aard, met die Julie- tot Desember-tydperk wat gewoonlik beter as die Januarie- tot Junie-tydperk is.
- Die toename in die bruto marge-persentasie van 38% tot 63% is weens die verandering in die aard van die Groep van 'n hoofsaaklik vervaardigingsonderneming na dié van 'n vertikaal geïntegreerde bosboumaatskappy met sy eie vervaardigingsaanlegte. Die direkte eiensaarkap van die bosboubesigheid gee York toegang tot sy eie grondstof.
- Gedurende die oorsigtydperk het sekere wesenlike items die resultate geraak:
 - Die billikewaarde-aanpassing van die biologiese bate van R607 miljoen is grootliks toeskryfbaar aan winning stygende blokkpryse. Die billike waarde van biologiese bates word volledig bespreek onder 'n afsonderlike paragraaf.
 - Sekere herstruktureringkoste van R8,3 miljoen wat verband hou met die uitdiensstellingskoste van senior bestuur as gevolg van die samesmelting.
 - Direkte uitgawes van R25,7 miljoen ten opsigte van die bosbrande in Julie 2007 waarvan R3,3 miljoen verband hou met brandbestryding, R5,3 miljoen afskrywing van voorraad langs die pad wat vernietig is en R17,5 miljoen wat verband hou met addisionele oes- en herplantingskoste.
 - Die voor- en na-samesmeltingsverskille toon 'n groter proporsie verdienste wat na uitelers gaan, wat op die verandering in die skuldekwiteitstruktuur van die Groep dui. Die groter skuld is gesekureer deur die waarde van die biologiese bates. Die bewegrede vir die toename in hefboomfinansiering was weens laer risiko kontantvloei wat gegeneer is as gevolg van die verkryging van die groot houthulpbron.
 - Die totale netto finansieringskoste vir die tydperk het R93,9 miljoen beeloop (2001: R3,2 miljoen) na aanpassing vir die volgende items:
 - Die aandeelgebaseerde betaling van R10,4 miljoen hou verband met die omskeppingsreg van die voorkeuraandele-uitgifte aan York se personeel en gemeenskapstrusts gedurende Maart 2007. Dit is 'n eenmalige koste tot die inkomstestaat. Die 10 miljoen gewone aandele wat aan die personeel en gemeenskapstrusts uitgereik is en deur die IDC befonds is, is teen billike waarde uitgereik en sal nie enige aandeelgebaseerde betalingskoste aantrek nie.
 - As deel van die skuldebefondsing wat vir die verkryging van GFP verkry is, het York 'n rentekoersruiltransaksie van R1,15 miljard aangegaan om homself teen die risiko van rentekoersverhogings te verskans. Ingevolge IFRS moet die ruiltransaksie billik gewaardeer word. Die huidige billike waarde van die ruiltransaksie beeloop R78,8 miljoen. Die R78,8 miljoen-inkomste is 'n eenmalige voordeel aangesien York beoog om skansrekeningkunde met ingang van 1 Julie 2009 te gebruik.

Segmentoorsig

Bosbou

Die Bosbou-divisie het 'n bedryfsmarge van 32,3% vir die oorsigtydperk. Dit is na koste van R25 miljoen aangegaan is as gevolg van die Julie 2007-brande.

Saagmeule

Die afname in bedryfsmarge van die Saagmeule was hoofsaaklik weens die nuut verkreë onderpresterende GFP-bedrywighede. Die vinnige styging in grondstofkoste het marges ook verlaag.

Laaghout

Die Laaghout-besigheid het 'n moeilike bedryfstydperk vir die ses maande tot Desember 2007 gehad en 'n verlies van R9,6 miljoen aangeteken. Gedurende die ses maande geëindig Junie 2008 het die divisie 'n wins van R3,7 miljoen aangeteken.

Pakhuis

Marges in die Pakhuis-besigheid het gedaal as gevolg van die traer mark en aanvangskoste wat vir uitbreiding aangegaan is.

Bedryfskapitaal

- Netto bedryfskapitaal het van R36,9 miljoen tot R156 miljoen toegeneem. Netto bedryfskapitaal van R73 miljoen is deur die verkryging van GFP verkry.
- Bedryfskapitaal as 'n persentasie van verkope het tot 6,7% afgeneem soos aan die einde van Junie 2008. Dit was as gevolg van goeie bedryfskapitaalbestuur.
- Ontvangbare versekeringsrekeninge van R14,1 miljoen en bosboupadvoorraad en natdekkvoorraad van R26,6 miljoen wat by debiteure ingesluit is, het grootliks as gevolg van die brand opgeloop.

Kontantvloei

- Kontant uit bedrywighede het R252 miljoen beeloop (2006: R39 miljoen).
- Kontantvloei gegeneer gedurende die tydperk beeloop R50 miljoen na kapitaalbesteding en voor bosbouverkrygings. Alle kapitaalbesteding word tans uit eie kontantbronne gefinansier.

Lenings en finansiële instrumente

- Die netto skuld na kontant beeloop R970 miljoen soos teen die Junie-jaareinde, met 'n afname van 6% van die saldo van R1 030 miljoen soos op 31 Desember 2007.
- R630 miljoen van die leningsfasiliteite amortiseer nie die kapitaal nie, maar daar is 'n eenmalige betaling aan die einde van die leningstydperk (R430 miljoen in Julie 2015 en R200 miljoen Julie 2014).
- Die Groep het 'n ruiltransaksieooreenkoms in plek om homself te verskans teen rentekoersverhogings. Die ruiltransaksiekoers is koop teen JIBOK van 9,6% en verkoop teen JIBOK van 12,3%. Die ruiltransaksie-ooreenkoms is aan die einde van Junie 2008 billik gewaardeer teen R78,08 miljoen.
- Die Groep het gedurende die oorsigtydperk aan al sy skuldoreenkoms te voldoen.

Biologiese bates

- Soos aan die jaareinde het die Groep 55 237 ha geplante denne- en bloekombome teen verskillende ouderdomme en 5 718 ongeplante areas gehad.
- Die hektaar hout jonger as vier jaar was 14 781 ha en vier jaar en ouer was 40 352 ha.
- Afhangend van die ouderdom van die bome, het 'n hektaar op enige stadium 'n geraamde volume (m³) hout beskikbaar.
- Die huidige geraamde volume van alle hout ouer as vier jaar is 4 489 867m³ denne- en 339 779m³ bloekombome. Die Groep raam nie 'n volume vir bome wat jonger as vier jaar is nie.
- 'n Waarde word bereken vir die hout vier jaar en ouer en gebaseer op die markpryse vir elke m³ hout. Die hout wat jonger as vier jaar is, word gewaardeer teen koste aangegaan (werklike plant- en instandhoudingskoste).
- Die gemiddelde prys per m³ hout is R403 na aftrekking van oeskoste van ongeveer R75 per m³ staande hout. Gedurende die oorsigtydperk het markpryse met 69% gestyg.
- Die hout word soos volg gewaardeer:

Hout jonger as 4 jaar	R41 488
Hout 4 jaar en ouer	R1 947 876
Koop van staande hout	R6 294
Netto staande waarde	R1 983 070

Marktoestand

York se gesaagdehout-marakaan deel het van 8% van die mark in suidelike Afrika in Desember 2006 tot 19% van die mark in Julie 2008 toegeneem, na die verkryging van GFP. Marktoestande was moeilik gedurende die oorsigtydperk weens die verlangsaming in residensiële konstruksie en 'n tydelike ooraanbod van hout wat veroorsaak is deur surplus blokke wat deur die bedryf verwerk is as gevolg van brandherwinningsbedrywighede. Onlangse wydverspreide brande in September 2008 sal waarskynlik die blokkerwinningsbedrywighede en tydelike ooraanbod tot diep in 2009 verleng tot die laaste van die onlangse verbrande plantasies herwin is. Dié jongste brande sal egter die langtermynkortkorte vererger aangesien baie van die bome wat beskadig is jonger as agt jaar oud was en nie herwinbaar is nie.

Gedurende die oorsigtydperk het bedryfsblokkpryse 69% gestyg terwyl gesaagdehout-pryse met 24% gestyg het. Verwerkingsbedrywighede regdeur die houtbedryf het margedruk ervaar en verskeie ondoeltreffende meule was gedwing om te sluit.

York se onlangs verkreë Driekop-saagmeul is in die 2007-brand beskadig en word tans herbou vir inbedryfstelling in Maart 2009. Voordele van die herinstelling van die beskadigde meul sal eers gedurende die 2010 finansiële tydperk ten volle blyk.

Bosbrande

Bosboubedrywighede is in Julie 2007 deur die ergste plantasiebrande in Suid-Afrika se geskiedenis ontwrig. Bykans 11 000 hektaar van York se plantasies is deur die vure geraak, wat ook 6,5% van Suid-Afrika se denne-saagblokkreserwes vernietig het. Toe die vure bekamp is, is die beskadigde bome afgekap en óf verwerk óf onder besproeiing gestoor. Teen Junie 2008 is meer as die helfte van die totale gebrande area herplant. Die res van die gebrande areas sal binne die volgende 12 maande herplant word.

Die uitwerking van die brand het 'n negatiewe impak op York se bedryfskontantvloei gehad gedurende die oorsigtydperk aangesien 'n groot volume gebrande blokke afgekap en permanent onder besproeiing gestoor moes word (SUPU) vir verwerking gedurende die volgende finansiële tydperk en herplanting van die groot gebrande areas word oor 'n tweējaartydperk in die vooruitsig gestel om die groeigrimes so vinnig moontlik te normaliseer. Op 'n positiewe toon sal die verwerking van SUPU-blokkvoorraad gedurende die volgende 12-maandetydperk tot gevolg hê dat bykomende bedryfskapitaal ontsluit word.